

## II - ARABAKO LURRALDE HISTORIKOAREN TOKI ADMINISTRAZIOA

### VITORIA - GASTEIZKO UDALA

#### ALKATETZA ETA ERAKUNDE HARREMANEN SAILA

Euskara Zerbitzua

#### **Euskara irakasten duten hiriko euskaltegi homologatuentzako dirulaguntzen deialdiaren berriazko oinarri arautzaileak**

2021eko azaroaren 5ean egindako bilkuran Tokiko Gobernu Batzarrak onetsi egin zituen euskara irakasten duten hiriko euskaltegi homologatuentzako berriazko oinarriak. Dirulaguntzei buruzko azaroaren 17ko 38/2003 Lege Orokorrean eta lege horren araudia onetsi zeneko uztailearen 21eko 887/2006 Errege Dekretuan arautuaren ildotik, eta orobat Toki Korporazioen Zerbitzuen Araudiaren 23. artikuluan eta hurrengoetan eta Gasteizko Udaltzaren 2005eko ekainaren 17ko ohiko osoko bilkuran hasierako onespina eman zion eta 2006ko urtarrilaren 13ko ALHAOn -5. zenbakia- argitaratu zen Gasteizko Udalaren Dirulaguntzak arautzeko ordenantzan arautuaren ildotik, argitara ematen dira, denek izan dezaten horien berri.

Vitoria-Gasteizen, 2021eko azaroaren 5ean

*Alkatetza eta Erakunde Harremanen Saileko Zinegotzi Ordezkaria*  
**RAIMUNDO RUÍZ DE ESCUDERO EZCURRA**

#### **Sarrera**

2020ko abenduaren 11n egindako ezohiko bilkuran onetsi zituen Tokiko Gobernu Batzarrak Gasteizko Udalaren dirulaguntzetarako deialdia arautzeko oinarri orokorrak 2021. urterako. 2020ko abenduaren 30ko ALHAOn – 148. zenbakia – argitaratu ziren oinarri orokor horiek, eta Udalaren webgunean kontsulta daitezke –[www.vitoria-gasteiz.org](http://www.vitoria-gasteiz.org)–, baita herritarrei laguntzeko bulegoetan ere. Deialdi honetara aurkeztu nahi duten entitateek oinarri orokor horietara jo beharko dute jakiteko eskabideak non eta nola aurkeztu, zein betebeharrak izango dituzten, instrukzio eta ebazpena, jakinarazpena, dirulaguntzak nola justifikatu behar diren, zein formulario baliatu behar dituzten, arau-haustea eta zigorrak, interpretazioa eta aplikagarri diren araudiak eta abar.

1. Dirulaguntzen ildoak.

Euskara irakasten duten hiriko euskaltegi homologatuentzako dirulaguntzak.

2. Deialdiaren xedea.

Euskaltegiei 2021-2022 ikasturtean hirian ematen dituzten ikastaroengatik, elkarren arteko lehiaren bidez, dirulaguntzak emateko deialdia eta prozedura arautzea dute xede oinarri hauek.

Deialdi honen ildotik ematen diren dirulaguntzak 2021ko aurrekontuetako 0171.3351.48003 partidaren kontura joango dira (Euskaltegientzako dirulaguntzak), eta gehienezko kreditua 99.000,00 eurokoa izango da.

### 3. Onuradunen betebeharrak.

Ikastegi homologatu gisa HABEren -Helduen Alfabetatze eta Berreuskalduntzerako Erakundea- erregistroan izena emanda dauden hiriko euskaltegiek eskatu ahalko dituzte oinarri haue-tan arautzen diren dirulaguntzak, diruz laguntzen den aldian -2021-2022- Gasteizko udalerrian jardun eta Dirulaguntzei buruzko azaroaren 17ko 38/2003 Lege Orokorraren 13. artikulua xedatutakoak betetzen badituzte.

### 4. Eskabideak.

Eskabidea egiteko, eranskin orokorra erabiliko da. Udalaren webgunean izango da, zuriketarako behar diren gainerakoekin batera.

### 5. Aurkezteko epea eta lekua.

Eskabideak aurkezteko epea 10 lanegunekoa izango da, deialdi honen laburpena ALHAOn argitaratzen den egunaren biharamunean hasita.

Eskabideak aurrez aurre aurkeztu ahalko dira, herritarrei laguntzeko bulegoetan, edo Gasteizko Udalaren egoitza elektronikoa <https://sedeelectronica.vitoria-gasteiz.org> nahiz legez aurreikusitako gainerako moduetan, Herri Administrazioen Administrazio Prozedura Erkidearen urriaren 1eko 39/2015 Legearen arabera.

### 6. Eskabidearekin batera aurkeztu behar diren agiriak.

a) Eskabidea (eranskin orokorra).

b) Ikastegiaren jarduerak deskribatzen dituen oroitidazkia (2020-2021 ikasturtekoa).

c) Euskaltea ikastegi homologatu gisa HABEren erregistroan izena emanda dagoela egiaztatzen duen agiria.

d) HABEk emandako ziurtagiria, 2020-2021 ikasturtean emandako eskola-orduen kopurua adierazten duena. Talde bereziei dagozkien orduak -funtzionarioentzako, enpresentzako, haurrak eskolan dituzten gurasoentzako programak eta abar- bazter utzi beharko dira, baita hiritik kanpo emandakoak eta HABEren diru-laguntzarik ez dutenak ere.

### 7. Eskabideetako akatsak zuzentzea.

Eskatzen diren datuetako edo agirietako bat edo gehiago falta badira eskabidean, errekerimendua egingo zaio onuradunari, 10 egun balioduneko epean hutsa zuzendu edo falta diren agiriak aurkez ditzan. Halaber, ohartaraziko zaio horrela egin ezean eskabidean atzera egin duela ulertuko dela, beti ere, ebazpena eman ondoren.

### 8. Balioespen-irizpideak.

Dirulaguntzak emateko prozedura hainbanaketa izango da, 2020-2021 ikasturtean euskaltegi bakoitzak eman dituen orduen arabera. HABEk ziurtatuko ditu orduak eta horietatik talde bereziei dagozkien orduak -funtzionarioentzako, enpresentzako, haurrak eskolan dituzten gurasoentzako programak eta abar- bazter utzi beharko dira, baita hiritik kanpo emandakoak eta HABEren diru-laguntzarik ez dutenak ere.

### 9. Dirulaguntzak emateko prozedura.

Alkatetzaren eta Erakunde Harremanen Saileko Euskara Zerbitzuak egingo dio dirulaguntzak emateko proposamena Tokiko Gobernu Batzarrari, azaroaren 17ko Dirulaguntzei buruzko 38/2003 Lege Orokorraren 22. artikulua ildotik eratuko den kide anitzeko organo baten bitartez. Dirulaguntza emateko edo ukatzeko proposamena egingo du organo horrek, oinarrietan ezarritako irizpideekin bat. Euskara Zerbitzuko bi teknikaririk osatuko dute organo hori.

#### 10. Dirulaguntza onartzea eta konpromisoak.

Eskatzaileek diru-laguntza emateko erabakiaren jakinarazpena helarazten zaien egunaren biharamunetik kontatuta 10 eguneko epean kontrakorik adierazten ez badute hura onartu dutela ulertuko da.

Dirulaguntza jasotzen dutenek, horiek onartu ondoren, jasotako fondoak zertarako eman diren helburu zehatz horretarako baliatu beharko dituzte.

#### 11. Lankidetzarako konpromisoa.

Euskara Zerbitzuarekin lankidetzan jarduteko konpromisoa hartuko du bere gain programa honen baitan eskaria egiten duen elkarte orok.

Lankidetzaren horren arabera, Udalaren ekipamenduak erabili ahal izango dira jarduerak antolatzeko. Horrelakoetan, kasu bakoitzari dagokion hobaria eman ahal izango da tasetan, edo ordaintzetik salbuetsi, ekipamendu bakoitzaren arau espezifikoa hori baimentzen duenean. Hala ere, eskatutako kanpo-zerbitzuak ordaindu beharko dituzte onuradunek.

Euskara Zerbitzuak ekintza eta programa horien zabalkundea egin dezake Euskara Sustatzeko Ekintza-planaren baitako programa eta egitarauetan, edozein kasutan ere erakunde antolatzailea zein den argi adierazita.

#### 12. Diru-laguntza ordaintzea eta justifikatzea.

Ordainketa bakarrean emango da dirulaguntza, deialdia ebatzi ondoren, alde aurreko ordainketa gisa eta justifikazioa aurkeztu aurretik, dirulaguntzari lotutako jarduerak burutu ahal izateko ezinbesteko finantziarioa delarik, Dirulaguntzei buruzko Udal Ordenantzaren 18.4 artikularekin bat.

Justifikazioari dagokionez, ikus oinarri orokorretako 13. artikulua.

Izan daitezkeen zalantzak argitzearren, honako hauek erabaki dira:

– Erakunde batzuek finantzatzen badute proiektua edo jarduera, eta/edo baliabide propioak erabiltzen badira, hori justifikatu eta kostu osoa egiaztatu beharko da. Halakoetan, azken justifikazioarekin batera adierazpen bat aurkeztu beharko da, I-J eranskina -beste erakunde batzuei egotzitako gastuen zerrenda- baliatuz, eta bertan diruz lagundutako proiektuari egotzen zaizkion gastuak oro zerrendatuko dira, izenak zehaztuz. Ez da beharrezkoa eranskin horretan zehazten diren fakturak aurkeztea. Adierazpenok aurkeztu dituen entitatearen data, sinadura eta zigilua izan beharko dituzte.

– Aurkeztu diren faktura guztien zenbatekoa emandako dirulaguntza baino txikiagoa balitz, edo diruz lagundutako proiektua gauzaterik egon ez balitz, horren berri eman beharko litzateke, Vitoria-Gasteizko Udaleko Diruzaintzari behar den kopurua itzultzeko.

#### 13. Zeharkako gastuak.

Honelakoak joko dira zeharkako gastutzat: erakundearen beraren mantentze gastuak (argia, telefonoa, gasa, ura, alokairua, garbiketa eta aholkularitza), eta kudeaketa eta laguntza langileen kostua. Oro har onartzen diren kontabilitate printzipio eta arauetara jarraiki zentzuzko den neurrian egotzi beharko dizkio kostu horiek diruz lagundutako jarduerari onuradun den erakundeak, eta, beti ere, koste horiek jarduera burutzen deneko aldiari dagokion neurrian. Egotzen diren zeharkako gastu horiek ezingo dira izan, inolaz ere, diruz lagundutako jardueraren zuzeneko gastuen ehuneko 10tik gorakoak. Kostu horiek ez dira agiri bidez zuritu beharko (5-J eranskina).

#### 14. Onuradunen betebeharrak.

a) Diruz lagundutako jarduera burutzea.

b) Ezarritako betebeharrak eta baldintzak betetzen direla justifikatzea dirulaguntza eman duen organoaren aurrean, baita jarduera burutu dela eta diru-laguntza ematea edo eskuratzea ekarri zuten helburua bete dela ere.

c) Organo emaileak burutzen dituen egiaztatze jardueren mende jartzea, baita organo eskudunek burutu ditzaketen egiaztatze eta finantza kontroletarako jardueren mende ere, eskatzen zaion informazio oro emanaz.

d) Diruz lagundutako jarduerak finantzatzeko beste dirulaguntza, laguntza, diru-sarrera edo baliabiderik lortu ahala Udalari jakinaraztea.

e) Aplikagarri den merkataritza eta sektore legediak eskatzen dituen kontabilitate liburuak, erregistroak -behar diren dilijentziak eginda- eta bestelako agiriak edukitzea, baita egiaztapen eta kontrol ahalmenak behar bezala baliatzeko aukera bermatzen duten eta oinarrietan eskatzen diren kontabilitate-egoerak zein berariazko erregistroak ere.

f) Jasotako fondoak zertarako baliatu diren justifikatzen duten agiriak gordetzea, agiri elektronikoak barne, kontrol eta egiaztapen jarduerak egitea gerta litekeen bitartean.

g) Jasotako fondo publikoak itzultzea, Diru-laguntzei buruzko Lege Orokorraren 37. artikuluan adierazten diren kasuetan.

#### 15. Aplikatzekoa den araudia.

Oinarri hauetan arautu gabekoei dagozkienetan, honako hauetan xedatutakoa aplikatuko da: Gasteizko Udalaren dirulaguntzen deialdiak arautzen dituzten oinarri orokorrak -2020ko abenduaren 30eko ALHAO-, Udalaren Dirulaguntzen ordenantza -2006ko urtarrilaren 13ko ALHAO, 5. zenbakia-, Diru-laguntzei buruzko azaroaren 17ko 38/2003 Lege Orokorra eta lege horren araudia onetsi zeneko uztailaren 21eko 887/2006 Errege Dekretua.

#### 16. Publizitatea.

Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearen 8. artikuluan xedatutakoaren ildotik, ematen diren dirulaguntzak Gasteizko Udalaren Gardentasun Atarian argitaratu beharko dira, xehetasun hauekin: zenbatekoa, xedea edo helburua eta onuradunak.